

Schützelfess

bearbeitet von Theo Schackers und vorgelegt von Franz-Josef Jürgens

Duur't Dörp klengt Flüet un Trommelklang,
et Schützelfess ös wär opjangk!
Pitter hät et sech neet neähme loate
un hät d'r Vuurel avjeschoate.

Et janze Dörp weet noo Bescheed,
Pitter un Draut send Majestät!
Dat Hüske van die twie wödd dekoriert,
möt Dännejröön un Ru-ese uutstaffiert.

Janz drüch jeht dat bestimmt neet avv,
Bier un Schnaps wödd eraan jeschaff.
En jolde Kru-en hängt an de Poart,
un Maie stond langes de janze Stroath.

Em Festzelt an d'r Kermesmaat,
doa stond die Schützezöch parat,
un dann ös Rämmidämmi jedden Oavend,
et jeht noch doller tuu wie Fasteloavend!

Die witte Boxe fresch jestärkt,
kinne Knoop ös avv – dat hei deä Spies jemerkt!
Deä Stechschrett un dat Präsentiere,
die send jeprobt, doa kann nix mieh'r passiere!

Dat Königssilver ös jeputzt,
däm Pitter sinne Strubbelsbart jestutzt,
v'rsammelt ös de janze Hotvollje
beem Königs-Parade-Defilée.